


Reapertura di Edificionan Historico na Juni



ORANJESTAD (AAN) -- E intencion di Fundacion di Monumento, pa e reapertura di e edificionan historico situa na Wilhelminastraat (esta, Cas Arends y antiguo Hotel Colombia), tuma lugar na April en curso no por a worde cristaliza, pero na juni venidero, a mas tardar, esey lo bira realidad.

Despues cu pa varios luna ambos propiedad ta den proceso di renovacion parti di e material necesario pa caba e obra no a yega Aruba, y esey a trece cierto retraso pa su culminacion.

Pero e trabao grandi aki ta bal

la pena, y warda un par di luna mas pa mira e obra completamente termina, no ta relevante pa un proyecto di tanto importancia.

Durante un entrevista cortico cu Ing. Yvonne Webb, presidente di Fundacion di Monumento, el a muestra su satisfaccion pa e manera con e edificionan ta kedando, masha bunita mes, y cu ta cuadra cu e confeccion di e proyecto door di e fundacion. Pueblo di Aruba, y sigur Registro Civil y Censo en particular, lo conta cu un joya di edificio, cu sin duda lo bira un atraccion mas tambe pa nos turistanan.

